

Visoka škole eMPIRICA nastavlja sa dobrom praksom podizanja informatičke pismenosti

III zimska eMPIRICA IT radionica

IT radionica za učenike III-ih i IV-tih razreda srednjih škola u Brčko distriktu BiH



Radionica „Hi 5 for Wi-Fi“, Gimnazija „Meša Selimović“ u Tuzli

Visoka škola računarstva i poslovnih komunikacija eMPIRICA u Brčko distriktu BiH, u saradnji sa učenicima Gimnazije „Meša Selimović“ i Gimnazije „Ismet Mujezinović“ iz Tuzle, za učenike III-ih i IV-tih razreda srednjih škola u Brčko distriktu najavljuje organizaciju III zimske eMPIRICA IT radionice u februaru 2014. godine.

Teme III zimske eMPIRICA IT radionice su:

- Kako putem društvenih mreža prezentovati sebe- edukator: Kemal Nedžibović, Gimnazija „Ismet Mujezinović“ iz Tuzle,
- Društvene mreže, šta sve mogu!?- edukator: Amir Mujačić, Gimnazija „Meša Selimović“ iz Tuzle,
- Iskoristite MovieMaker i YouTube: predstavite sebe i svoju kreativnost – edukatori: asistenti Visoke škole eMPIRICA.

Kako putem društvenih mreža prezentovati sebe?

Učesnici trebaju navesti svoje asocijacije kada su u pitanju društvene mreže. Putem njihovih razmišljanja navest ćemo ih na temu „Kako da putem društvenih mreža prezentujete sebe?“. Kroz igrice ličnog predstavljanja, rada u timu i trening nastupa u medijima učesnici će biti istrenirani kako da prodaju svoju ideju, kako da promovišu sebe i kako do dođu do ciljane populacije.

Društvene mreže, šta sve mogu!?

Ovom radionicom cilj je učesnicima pokazati šta sve mogu postići putem društvenih mreža. Kako na njima prezentovati svoju ideju, te kako ih iskoristiti

da ispune svoj cilj. Želimo učesnicima pokazati kako društvene mreže mogu koristiti i za reklamu svojih ideja i projekata na mnogo inovativnih načina.

Iskoristite MovieMaker i YouTube: predstavite sebe i svoju kreativnost

U okviru ove teme učenici će se upoznati sa osnovnim mogućnostima MovieMaker-a, programa za obradu zvuka i videa s ciljem izrade vlastitih video zapisa, te sa YouTube on-line editing aplikacijom. Kroz radionicu će biti osposobljeni za samostalnu izradu video zapisa korištenjem MovieMaker-a i YouTube on-line editing aplikacije.



Učesnici I zimske IT radionice – srednjoškolci Brčko distrikta

Hi 5 for Wi-Fi

Slične radionice su bile održane 16. i 17. 12. 2013. godine u Gimnaziji „Meša Selimović“, za 100 učenika srednjih škola iz Tuzle, kao dio projekta „Hi 5 for Wi-Fi“, autora- učenika Amira Mujačića i Kenana Hadžihasanovića.

Učešće na III zimskoj eMPIRICA IT radionici je besplatno, broj učesnika je ograničen, prijave će se vršiti putem srednjih škola u Brčko distriktu. Svi učesnici IT radionice dobit će potvrde o učešću i prigodne poklone.

Ovom IT radionicom Visoka škole eMPIRICA nastavlja sa dobrom praksom podizanja informatičke pismenosti kod srednjoškolaca, kako je to uspješno realizovano na I i II eMPIRICA IT radionici u januaru i aprilu 2013. godine, za srednjoškolce iz Brčko distrikta i Tuzle. (www.empirica.ba)

Učesnici II prolećne IT radionice – srednjoškolci iz Tuzle

